

Hukumu Ikawekwa – Vitabu Vikafunuliwa,

Mto kama wa moto ukatoka ukapita mbele zake; maelfu elfu wakamtumikia na elfu kumi mara elfu kumi wakasimama mbele zake; hukumu ikawekwa na vitabu vikafunuliwa.

Daniel 7:10

Vitabu vya kumbukumbu vya mbinguni, ambamo majina na matendo ya wanadamu yameandikwa, ndivyo vitapambanua maamuzi ya hukumu. Nabii Danieli anasema: “Hukumu ikawekwa, na vitabu vikafunuliwa.” Nabii wa Ufunuo, akieleza tukio hilo hilo, anaongezea: “na kitabu kingine kikafunguliwa, ambacho ni cha uzima; na hao wafu wakahukumiwa katika mambo hayo yaliyoandikwa katika vile vitabu, sawasawa na matendo yao” (Ufunuo 20:12).

Kitabu cha uzima kina majina ya wote waliowahi kuingia katika huduma ya Mungu. Yesu aliwaagiza wanafunzi Wake: “Furahini kwa sababu majina yenu yameandikwa mbinguni” (Luka 10:20). Paulo anawazungumzia watenda kazi wenzake waaminifu, “ambao majina yao yamo katika kitabu cha uzima” (Wafilipi 4:3). Danieli, akitazama kwa mbali hata “wakati wa taabu, mfano wake haukuwapo tangu lilipoanza kuwapo taifa hata wakati uo huo,” anaeleza kuwa watu wa Mungu wataokolewa, “kila mmoja atakayeonekana ameandikwa katika kitabu kile.” Na nabii wa Ufunuo anasema kuwa watakoingia katika jiji la Mungu ni wale tu ambao majina yao yameandikwa “katika kitabu cha uzima cha Mwana-kondoo” (Danieli 12:1; Ufunuo 21:27).

“Kitabu cha ukumbusho” kimeandikwa mbele za Mungu, ambacho kimeandikwa matendo mema “ya hao waliomcha Bwana, na kulitafakari jina lake” (Malaki 3:16). Maneno yao ya imani, matendo yao ya upendo, yameandikwa mbinguni. Nehemia anawarejelea hawa anaposema: “Unikumbukie hayo, Ee Mungu wangu, wala usifute fadhili zangu nilizozitenda kwa ajili ya nyumba ya Mungu wangu” (Nehemia 13:14). Katika kitabu cha Mungu cha kumbukumbu kila tendo la haki linadumishwa. Pale, kila jaribu lililopingwa, kila uovu ulioshindwa, kila neno la huruma na upendo lililotamizwa, linaandikwa kwa uaminifu. Na kila tendo la kujitoa kafara, kila mateso na huzuni iliyopitiwa kwa ajili ya Kristo, inaandikwa. Mwandishi wa zaburi anasema: “Umehesabu kutanga-tanga kwangu; Uyatie machozi yangu katika chupa yako; (Jel Hayamo katika kitabu chako?)” (Zaburi 56:8).

Kazi ya kila mtu inachunguzwa na Mungu na kuandikwa ama kama ya uaminifu au isiyo ya uaminifu. Mbele ya kila jina katika vitabu vya mbinguni pameandikwa kwa usahihi wa juu sana kila neno lisilo sahihi, kila tendo la ubinafsi, kila wajibu ambao haukutimizwa na kila dhambi ya siri...

Shauku kubwa inayooneshwa miongoni mwa wanadamu katika maamuzi ya mahakama za kidunia lakini ikiwakilisha japo kwa uhafifu shauku inayodhihirishwa katika mahakama ya mbinguni wakati majina yaliyoingizwa katika kitabu cha uzima yanapoletwa kuchunguzwa mbele ya Jaji wa dunia yote. Mwombezi wa Kiungu anawasilisha ombi kuwa wote waliohindwa kwa njia ya imani katika damu Yake wasamehewe dhambi zao, kuwa warudishwe katika makao yao ya Edeni na wavikwe taji kama warithi pamoja Naye wa “mamlaka ya kwanza” (Mika 4:8).

(Pambano Kuu. Uk 387 – 399)